

Powšitkowne WOZJEWJENJA

njedželu, 28. januara 2024

Wusyłanje Božeje mše

Serbskorěčnu Božu mšu móža wěriwi tutu njedželu, 28. januara, w 9.00 hodź., tohorunja jako livestream sobu swjećić. Link na nju budže w interneće pod www.posol.de kaž tež na wosadnej stronje podaty.

Hłowna zhromadźizna TCM

Předsydstwo Towarstwa Cyrila a Metoda z.t. (TCM) přeprošuje wšitkich člonow towarzystwa, člonow sekcijow a korporacijow na swoju hłownu zhromadźiznu pjatk, 9. februara, do Baćonja. Započatk je we 18.00 hodź. z Bożej mšu w cyrkwi Jězusowej wutroby. Přizamknje so zhromadźizna.

Architektura Božeho doma w srjedžišću

Architektura tachantskeje cyrkwje swjateho Pětra w Budyšinje steji w srjedžišću přednoška štvortk, 1. februara, w 19.30 hodź. na žurli Budyskeho Serbskeho muzeja. Referent budže Kai Wenzel. Wšitcy zajimcy su wutrobnje přeprošeni.

Modlenje róžowca w Róžeńce

Na modlenje swjateho róžowca a před Najswjećišim su wěriwi sobotu, 3. februara, we 18.00 hodź. do Róžeńcanskeje hnadowneje cyrkwje přeprošeni. Paćerje budu serbsce a němsce spěwane.

Boža mša na wopomnjenskim dnju zbóżnego Alojsa

Na swjedžensku Božu mšu na wopomnjenskim dnju zbóżnego martrarja Alojsa Andrickeho su wěriwi sobotu, 3. februara, w 9.00 hodź. do Radworja prošeni. Swjedženski předar budže kanonik Šćepan Delan z Ralbic. Božu mšu wuhotuje sobu chor Lilija z Ralbic. Po kemšach je šijeswjećenje. Přizamknjetej so zetkanje a bjesada při horých napojach na farskej zahrodźe.

TCM přeprošuje na wulět a wopyt putniskeho městna

Sekcja wěda a skutk Towarstwa Cyrila a Metoda z.t. (TCM) přewjedže wot soboty do srjedy, 21. do 25. septembra, wulět do Ruhpoldinga. Wottam poda so skupina do Salzburga, Tirola, Reit im Winkel, na kupu Fraueninsel w Chiemskim jězorje kaž tež na putniske městno Altötting. Zajimcy měli so hač do štvortka, 29. februara, w redakciji Katolskeho Posoła přizjewić, telefonowe číslo (0 35 91) 55 02 10. Zdobom měli na konto TCM potom 200 eurow naplaćić: Cyril-Methodius-Verein e.V., IBAN DE65 7509 0300 0008 2823 66, hesło: „Ruhpolding“.

Klóšterski wobchod zaso wotewrjeny

Klóšterski wobchod w Pančicach-Kukowje je ponowjeny a zaso k znatym časam wotewrjeny. Na domyswjećenje štvortk, 1. februara, w 15.00 hodź. su wšitcy zajimcy wutrobnje přeprošeni. Přizamknje so swaćina.

Wobsah 2023 online přistupny

Wobsah Katolskeho Posoła lěta 2023 je dozestajany. Wšitcy, kotříž chcedža sej lětník wjazać dać a wobsah sobu zapřijeć, móža sej dataju w formaće pdf z internetoweje strony www.posol.de wućišćeć. Štóż tule móžnosć nima, njech wobroči so na redakciju Katolskeho Posoła w Budyskim Serbskim domje pod telefonowym čísłom (0 35 91) 55 02 12.

Ekumeniski póstny seminar w Smochćicach

Lětuši Ekumeniski póstny seminar w Smochčanskim kublanišću swjateho Bena steji pod heslom „Nadal dosć městna – W kotrej měrje je cyrkje za towaršnosć trěbna?“ Planowane su wospiet štyri zarjadowanja po štyrjoch póndželach póstneho časa. Započatk je stajnje w 19.30 hodź.

Abt benediktinskeje abtownje Dormitio w Jerusalemje Nikodemus Schnabel budže póndželu, 26. februara, na temu „Wy sće sól zemje“ přednošować. Propst Benno Schäffel z Kamjenicy wěnuje so tydžeń pozdžišo, póndželu, 4. měrca, temje „Dokal tež džeš, Bóh tu hižo je“. Třeći přednošk póndželu, 11. měrca, steji pod heslom „Boju so towaršnosće bjez nabožiny“. Hósć budže předsyda frakcije CDU w Sakskim krajnym sejmje Christian Hartmann. Z filmowym wječorkom póndželu, 18. měrca, so ekumeniski póstny seminar skónči.

Na wšitke zarjadowanja přeprošuja Ewangeliko-lutherski cyrkwiński wobvod Budyšin-Kamjenc, Budyski dekanat, Towarstwo Cyrila a Metoda z.t. kaž tež Smochčanske ku-blanišćo swjateho Bena. Wobdželenje je darmotne, wo dary proša.

Chorych a mrějacych přewodźeć nawuknyć

Ambulantra hospicna služba Hornjołužiskeho zwjazka Carity z.t. w Kamjencu poskićeje lětsa zaso kurs k čestnohamtskemu přewodženju čežkochorych a mrějacych. K tomu trěbnu wědu posrědkuje w zakladnym kursu, kotryž wotměje so wot 20. měrca hač do 4. meje trójce srjedu wot 17.00 do 20.00 hodź. kaž tež štyri króć sobotu wot 9.00 do 15.00 hodź. Na to sčehuje praktikum z dalšimi štyrjomi zetkanjemi. Pohlubšacy kurs je w septembru planowany. Štóż chcył wukubłanje absolwować, měl so pola hospicneje služby Carity w Kamjencu pod telefonowym čísłom (0 35 78) 37 43 12 abo z mejlkem na hospiz@caritas-oberlausitz.de přizjawić. Flajer z dalšimi informacijemi a terminami je pod www.posol.de podaty.

Jězba w lětnich prázdninach do Lückendorfa

Dekanatne dušepastyrstwo za džěci přeprošuje šulerki a šulerjow 5. do 8. lětnika klětu w lětnich prázdninach na jězbu do Lückendorfa w Žitawskich horach. Wona wotměje so wot póndžele do pjatka, 8. do 12. julija 2024. Swójski přinošk na wobdželnika wučinja 110 eurow. Přizjewjenja přijimuja hač do njedžele, 31. měrca 2024, online. Link na wotpowědnou stronu je pod www.posol.de wozjewjeny. Po přizjewjenju dóstanu wobdželnicy dalše informacie z mejlku.

Putnikowanje do Medžugorja

Na dwurěčnu putnisku jězbu do Medžugorja su zajimcy klětu w měrcu a w oktobrje přeprošeni. Prěnju jězbu wot soboty do soboty, 16. do 23. měrca, organizuje Enrico Šołta. Přizjewjenja přijimuje wón pod telefonowym čísłom (01 62) 9 62 83 70 abo z mejlku na enrico.scholze@t-online.de. Zamołwita za dalšu jězbu wot soboty do soboty, 12. do 19. oktobra, je Regina Kurjatowa. Zajimcy móža so pola njeje pod čísłom (03 57 92) 5 13 77 abo z mejlku na adresu Regina.Kurjat@web.de přizjawić.